

09.03 PROFIL

«Rumantsch è ina lingua da cult»

I saja cool sch'ins è en la Bassa, vesa en las fatschas da la gieud ed auda co che la gieud di uschè cool, quel sa rumantsch. Quai di Roman Cantieni da Glion en il «Profil». A partir da l'avust 2021 è el il nov manader da la Scola mercantila e scola media spezialisada a Glion.



Nagins problems ha il giurist da dar tiers ch'el laschava encrescher per il Grischun. Suenter ses studi a Turitg e plirs onns a Berna, ha el surprindì ina lavur tar il Chantun, in job betg uschè adattà per el. Ma il giavisch da turnar en il Grischun era pli grond ch'ils dubis ch'il job na saja betg il meglier. Dapi il 2014 lavura Roman Cantieni sco scolast a la Scola mercantila e scola media spezialisada a Glion. El instruescha là dretg ed economia ed a partir da l'avust maina el la scola en in pensum da 50%. Sper sia lavur per la scola s'engascha Roman Cantieni era politicemain. Avant paucas emnas ha el decidi da midar partida, dad ir da la PCD tar la PS.

Redacziun: Claudia Cathomen